

A. C. 38. Dorcas plena operibus bonis, & eleemosynis, in diebus illis infirma moritur. Eam cum lavissent, posuissentque in coenaculo Discipuli, audientes quia Petrus esset Lyddæ, quæ prope Ioppen, miserunt ad eum, rogaveruntque, ut ad se veniret. Venit Petrus, & in coenaculum, ubi Tabithæ mortuæ corpus, ductus, circumstantibus, & flentibus viduis, & ostendentibus vestes, quas illis fecerat Dorcas, emissis foras omnibus, Petrus ponens genua oravit, & conversus ad corpus, dixit: Tabitha surge. At illa aperuit oculos, & viso Petro resedit. Petrus dans illi manum erexit eam, & cum vocasset sanctos, & viduas, assignavit eam vivam. Notumque id factum est per universam Ioppen: & crediderunt multi in Domino, & Petrus moratus est per multos dies in Ioppe apud Simonem coriarium. Ex Act. c. 9. vers. 36...43.

Petrus à Ioppe Casaream venit, & Cornelium Centurionem, aliosque Gentiles baptizat.

XLII. Petrus Casaream à Cornelio Centurione accersitus, & jam ipse linteo ab cœlis demisso, & omni animantum genere referto monitus, ut Gentes ad Euangelii doctrinam admitteret, à Ioppe Casaream venit, & Cornelium Centurionem, & Gentiles alios qui verbum audierant, Christi Euangelium docuit: & ipsi accepto Spiritu Sancto baptizati sunt in nomine Domini Iesu Christi, & mansit apud eos Petrus aliquot diebus. Act. Ap. toto cap. 10.

Petrus repetit Ierosolymam rationemque reddit, cur Gentes Christi fidem docuisset.

XLIII. Petrus ascendit Ierosolymam, rationemque exponit, quare ad Gentes accessisset, quod scilicet Cornelius Centurio, ab Angelo monitus fuerat, ut Petrum à Ioppe ad se evocaret, ut se suosque edoceret: Ipse Petrus etiam à Spiritu monitus fuerat, ut ad Cornelium Centurionem nihil hæsitans iret, eumque instrueret, & Euangelii gratiam edoceret: His auditis, tacuerunt, & glorificaverunt Deum, dicentes: Ergo & Gentibus poenitentiam dedit Deus ad Vitam. Ex Act. Ap. c. 11. vers. 1...18.

Petrus, in carcerem coniectum ab Herode, Angelus liberat.

XLIV. Petrus ab Herode (Agrippa) qui Iacobum jam occiderat, in carcerem conjicitur, ut post Pascha populo occidendus produceretur, ideoque & inter milites catenis vinctus sollicitè custodiebatur. Sed, Ecclesia pro ipso orante, ab Angelo dormiens excitatur, & catenis solutus, custodibus nihil sentientibus, è carcere educitur, & ad domum, ubi fratres erant, egressus aliquoties januam pulsavit, quod ipsum esse ancilla Rhode, aliique vix crederent; tandemque introductus narravit, quomodo Deus eum eduxisset de carcere. Milites autem ipsos,

è quorum custodia solutus erat Petrus, Herodes ad supplicium duci iussit. Ex Act. c. 12. vers. 1...19.

Petrus dum esset Ierosolymis visitatur à Paulo.

Paulus in Epistola ad Galatas c. 1. vers. XLV. 17. 18. 19. ait se à conversione statim in Arabiam abiisse, & inde reversum se esse Damascus: & post annos tres venisse Ierosolymam videre Petrum, & mansisse apud eum diebus quindecim: aliumque ex Apostolis vidisse neminem, nisi Iacobum fratrem Ioannis.

Petrus à Paulo reprehenditur in Antiochia, quod Gentes ad Moysis legem observandam cogere volebat.

Cum autem venisset Cephas (Petrus) XLVI. Antiochiam, in faciem ei resistit Paulus, eumque reprehensibilem putavit: quod aliter cum Iudæis, aliter cum Gentibus ageret, & ait qui (Deus) operatus est Petro in Apostolatam Circumcisionis, operatus est & mihi inter Gentes, & cum cognovissent gratiam quæ data est mihi, Iacobus & Cephas, & Ioannes, qui videbantur columnæ in Ecclesia esse, dextras dederunt mihi & Barnabæ societatis, ut nos in Gentes, ipsi autem in Circumcisionem: scientes quod non justificatur homo ex operibus legis, nisi per fidem Iesu Christi: & nos in Iesu Christo credimus, ut justificemur ex fide Christi, & non ex operibus legis. Gal. c. 2. vers. 8...16.

Petri mors & martyrium à Christo prædictum fuit.

Christus cum semel, atque iterum, tum XLVII. & tertio petiisset à Petro an diligeret se, eique semper oves suas pascendas commendasset? Amen (inquit) Amen dico tibi (Petro) cum esses junior, cingebas te, & ambulabas ubi volebas: cum autem senueris, extends manus tuas, & alius te cinget, & ducet quò tu non vis. Hoc autem dixit (Iesus) significans qua morte (Petrus) clarificaturus esset Deum, & cum hoc dixisset, dixit ei: Sequere me. Ioan. c. 21. vers. 15...19.

Petrus eadem hora frustra à Christo petit, an etiam Ioannes moreretur.

Conversus Petrus vidit illum Discipulum, XLVIII. quem diligebat Iesus, sequentem: & dixit Iesu, Domine, hic autem quid? Dicit ei Iesus: Sic eum volo manere donec veniam, quid ad te? tu me sequere. Ioan. c. 21. vers. 21. 22.

Petrus Romam petit, Romanamque fundat Ecclesiam circa annum. 42.

Petrus Romæ fuisse, argumentum est prima XLIX. ipsius Epistola. Sub Babylonis etenim nomine Romam intellexisse nemo non videt. Romam vero appellavit Babylonem non tantum propter antiquam utriusque urbis & imperii gloriam, & amplitudinem, sed maxime